



1	4
1555	
104	





101  
1922

張子野詞





門 14  
號 1555  
卷 104

張子野言

昭和十九年  
四月十日  
購求

張子野詞卷一

吳興 張先 子野

正宮

醉垂鞭 東池

雙蝶繡羅裙東池宴初相見朱粉不深勻閑花淡淡春  
細看諸處好人人道柳腰身昨日亂山昏來時衣上  
雲

二 贈琵琶娘年十二

朱粉不須施花

一作瓊

枝小春偏好嬌妙近勝衣輕羅紅

張子野詞卷一

一 知不足齋叢書



霧垂 琵琶金畫鳳雙條重倦眉低啄木細聲遲黃蜂  
花上飛

中呂宮

南鄉子 京口

何處可魂銷京口終朝兩信潮不管離心千疊恨滔滔  
催促行人動去橈 記得舊江臯綠楊輕絮幾條條春  
水一篙殘照闊遙遙有箇多情立畫橋

二 中秋不見月。一作南徐中秋。

潮上水清渾棹影輕於水底雲去意徘徊無奈淚衣巾

猶有當時粉黛痕 海近古城昏暮角寒沙雁隊分今  
夜相思應看月無人露冷依前獨掩門

菩薩蠻 怨別

憶郎還上層樓曲樓前芳草年年綠綠似去時袍回頭  
風袖飄 郎袍應已舊顏色非長久惜恐鏡 一作鑑 中春  
不如花草新

二 頻見

聞人語 一作話 著仙卿 一作宜鄉 字嗔情恨意還須 一作相 喜何  
况草長時酒前頻共見 一作 伊 嬌香堆寶帳月到梨花

長子野同卷一

二 知不足齋叢書



上心事兩人知掩燈羅幕一作幔垂

三 不至

夜深不至春蟾見令人更更情飛亂一作蟾午令人轉更猜

飛語翠幙動風亭時疑響屨聲花香聞水榭幾誤飄衣

窮不忍下朱扉遶廊重待伊

四

簾紋衫色嬌黃淺釵頭秋葉玲瓏翦輕怯瘦腰身紗窗  
病起人 相思魂欲絕莫話新秋別何處斷離腸西風

昨夜涼

五

牡丹含露真珠顆美人折向簾前過含笑問檀郎花強  
妾貌強 檀郎故相惱剛道花枝好花若勝如奴花還  
解語無

踏莎行

含鳳猶溫籠鸚尚睡宿妝稀淡眉成字映花避月上行

一作迴廊珠裙褶褶輕垂地 翠幙成波新荷貼水紛紛

煙柳一作絮低還起重牆繞院更重門春風無路通深意

二



張子野詞卷一  
波湛橫眸霞分膩臉盈盈笑動籠香鬢有情未結鳳樓  
歡無慘愛把歌眉斂 密意欲傳嬌羞未敢斜偎象板  
還偷臘輕輕試問借人麼佯佯不覩雲鬢點

感皇恩

萬乘靴袍御紫宸揮毫敷麗藻盡經綸第名天陛首平  
洋東堂桂重占一枝春 殊觀聳簪紉蓬山仙話重濡  
恩新暫時趨府冠談賓十年外身是鳳池人

西江月

體態看來隱約梳妝好是家常檀槽初抱更安詳立向

樽前一行 小打登鉤怕重儘纏繡帶由長嬌春鶯舌  
巧如簧飛在四條弦上

慶金枝 合歡曲

青螺添遠山兩嬌鬢笑時圓抱雲勾雪近燈看妍處不

堪憐 一作筭何處不堪憐 今生但願無離別花月下繡屏前雙

鸞成繭共纏綿更結後生緣 一作更重結後生緣

浣溪沙 夏

輕屨來時不破塵石榴花映石榴裙有情應得撞腮春  
一作有情應解惜 夜短更難畱遠夢日高何計 一作許



學行雲樹深

一作聲

鶯過靜無人

相思兒令

惜月

春去幾時還問桃李無言燕子歸栖風緊梨雪亂西園  
猶有月嬋娟似人人難近如天願教清影長相見更  
乞取長圓

師師令

春興。一作贈美人

香鈿寶珥拂菱花如水學妝皆道稱時宜粉色有天然  
春意蜀綵衣長勝未起縱亂雲一作霞垂地 都城池苑  
誇桃李問東風何似不須回扇障清歌唇一點小於珠

子

一作朱葉

正是

一作值

殘英和月墜寄此情千里

山亭燕慢

有美堂贈彥猷主人

燕亭

一作堂

永晝喧簫鼓倚青空畫欄紅柱玉瑩紫微人

藹和氣春融日煦故宮池館更樓臺約風月今宵何處

湖水動鮮衣競拾翠湖邊路

落花蕩漾愁

一作怨

空樹

曉山靜數聲杜宇天意送芳菲正黯淡疎煙逗雨新歡

寧似舊歡長此會散幾時還聚試為挹飛雲問解寄相

思否

謝池春慢

玉仙觀道中逢謝媚卿



繚牆重院時聞有啼鶯到繡被掩一作堆餘寒畫幕一作閣

明新曉朱檻連空闊飛絮無一作知多少徑莎平池水渺

日長風靜花影閑相照塵香拂馬逢謝女城南道秀

豔一作露過施粉多媚生輕笑鬪色鮮衣薄碾玉雙蟬小

歡難偶一作遇春過了琵琶流怨一作韻都入相思調

惜雙雙溪橋寄意

城上層樓天邊路殘照裏平蕪綠樹傷遠更惜春暮有人還在高高處斷夢歸雲經日去無計使哀弦寄語相望恨不相遇倚橋臨水誰家住

南呂宮

江南柳隋堤

隋堤遠波急路塵輕今古柳橋多送別見人分袂亦愁

生何況自關情斜照後新一作主月上西城城上樓高

重倚望願身能似月亭亭一作月華明千里伴君行

八寶裝

錦屏羅幌初睡起花陰轉重門閉正不寒不暖和風細

雨困人天氣此時無限傷春意憑誰訴厭厭地這淺

情薄倖千山萬水也須來裏



詞一里詩一

一叢花令 案此闕又載六一詞

傷高一作春懷遠幾時窮無物似情濃離愁一作心正引一作

慙千絲亂更東一作南陌飛絮濛濛嘶騎漸遙征塵不斷

何處認郎蹤 雙鴛池沼水溶溶南北小橋一作橋通梯

橫畫閣黃昏後又還是斜一作新月簾櫳沈思細恨一作沈恨

細思不如桃杏猶解嫁東一作春風

道調宮 案西江月感皇恩前入中呂宮此二闕別入道調宮俟攷

西江月

泛泛春船載樂溶溶湖水平橋高鬟照影翠煙搖白紵

一聲雲杪 倦醉天然玉軟弄妝人惜花嬌風情遺恨

幾時銷不見盧郎年少

感皇恩 安車少師訪闕道大資同遊湖山

廊廟當時其代工睢陵千里遠約過從一作睢陵千里約遠相從欲

知賓主與誰同宗枝內黃閣舊有三公 廣樂起雲中

湖山看畫軸兩仙翁武林嘉語一作佳話幾時窮元豐際德

星聚照江東

仙呂宮

燕春臺慢 東都春日李閣使席

長子予同卷一

七知不足齋叢書



麗日千門紫煙雙闕瓊林一作樓又報春回殿閣風微當

時去燕還來五侯池館頻一作屏開探芳菲走馬天街重

簾人語鞦韆繡軒一作鞦韆遠近輕雷 雕觴霞灩翠

幘雲飛楚腰舞柳宮面妝梅金猊夜暖羅衣暗裏香煤

洞府人歸放笙歌燈火下樓臺蓬萊一作竹竿歌燈火樓臺下蓬萊一無

猶有花上月清影徘徊

好事近 和毅夫內翰梅花

月色透橫枝短葉小花一作龍無力北客一聲長笛怨江

南先得 誰交強半臘前開多情為春憶畱取大家沈

須一作幸醉正一作幸雨休風息

二

燈燭上山堂香霧煖生寒夕前夜雪清梅瘦已不禁輕

摘 雙歌聲斷一作未徹寶杯空妝光豔瑤席相一作好趁笑

聲歸去有隨人月色

大石調

清平樂

屏山斜展帳卷紅綃半泥淺曲池飛海燕風度楊花滿

院 雲情雨意一作愁雨恨空深覺來一枕春陰隴上梅花



落盡江南消息沈沈

二 李閔使席

清歌逐酒膩臉生紅透一作醉臉 櫻小杏青寒食後衣

換縷金輕繡 畫堂新月朱屏巖城夜鼓聲一作歸 遲細

看玉人嬌一作妝 面春光一作工 不在花枝

醉桃源

落花浮水樹臨池年前心眼期見來無事去還思如一作

而今花又飛 淺螺黛淡臙脂開花一作閒妝 取次空隔簾

燈影一作風 閉門時此情風一作工 月知

二

歌停鶯語舞停鸞高陽人更閒獸噴煙燼玉壺乾茶分

小鳳團 雲浪淺露珠丸嬌聲春筍寒絳紗籠下据金

鞍歸時人未眠

三

湘天風雨破寒切深沈庭院虛麗譙吹罷小單于迢迢

清夜徂 鄉夢斷旅魂孤崢嶸歲又除衡陽猶有雁傳

書郴陽和雁無

恨春遲 雙蓮



好夢才成又斷日晚起一無日字一作日雲驪一作梳

鬢秀臉拂新紅酒一作八嬌睂眼薄衣減春寒紅一作

短柱溪橋波平岸畫閣外落日西山不分一作閒花竝

蒂秋藕連根何時重得雙眠一作蓮

二

欲借紅梅薦飲望隴驛音信沈沈住在柳洲東岸彼此  
相思夢去難尋乳燕來時花期寢淡月墜將曉還陰  
爭奈多情易感音信無憑如何消遣得初心

雙調

慶佳節

莫風流莫風流風流後有閒愁花滿南園月滿樓偏使  
我憶歡遊我憶歡遊無計奈除卻且醉金甌醉了醒  
來春復秋我心事幾時休

二

芳菲節芳菲節天意應不虛設對酒高歌玉壺闕慎莫  
負狂風月人閒萬事何時歇空贏得鬢成雪我有閒  
愁與君說且莫用輕離別

採桑子

雪意



水雲薄薄天同色  
竟日清輝風影輕  
飛花發瑤林春未  
知  
剡溪不辨沙頭路  
粉一作湖水平堤姑射人  
歸記得  
歌聲與舞時

御街行 送蜀客

畫船橫倚煙溪半  
春入吳山徧  
主人憑客且遲留  
程入  
花溪遠一作還遠數聲蘆葉兩行  
寬袖幾處成離宴  
紛  
紛歸騎亭臯晚  
風順檣烏轉  
古今為別最銷魂  
因別有  
情須怨更獨自儘上高臺望  
望盡飛雲斷一本云高臺獨上不堪  
望日與飛雲斷

玉聯環 送臨淄相公

都人未逐風雲散  
願畱離宴不須多愛洛城春  
黃花一作  
閣訝歸來晚  
葉落灞陵如翦  
淚霑歌扇無由重  
肯日  
邊來上馬便長安遠

二 南園夜飲

來時露裊一作池衣香潤綵絲  
垂鬢卷簾還喜月相親  
把  
酒更一作與花相近  
西去陽關休問未  
歌先恨玉峯山  
下水長流流水盡情無盡

武陵春



秋染青溪天外水一作秋染青溪在水風棹采菱還波上逢郎密

意傳語近隔叢蓮 相看忘卻歸來一作來時路遮日小荷

圓一作家在柳城前菱蔓雖多不上船心眼在郎邊

定風波有情

素藕抽條未放蓮晚蠶將繭不成眠若比相思如亂絮

一作緒何異兩心俱被暗絲牽 暫見欲歸還一作皆是恨

莫問有情誰信道無緣有一作正似中秋雲外月皎潔不

團圓待幾時圓

百媚娘眼前

珠闕一作閣五雲仙子未省有誰能似百媚筭應天乞與

淨飾豔妝俱美若一無若字取次芳華皆一作俱可意何處比

一作無桃李 蜀被錦紋鋪水不放綵鴛雙戲樂事也知

存後會爭柰眼前心裏綠皺小池紅疊砌花外東風起

夢仙鄉寄遠一作寄越

江東蘇小天斜窈窕都不勝綵鸞嬌妙春豔上新妝肌

肉過人香 佳樹陰陰池院華燈繡幔花月好一作豈

能長見離聚此生緣無計問天天一作何計問高天

歸朝歡



聲轉轆轤聞露井曉引銀餅牽素縷西園人語夜來風  
叢英飄墜紅成徑寶貌煙未冷蓮臺香蠟殘痕凝等身  
金誰能得意買此好光景 粉落輕妝紅一作溫玉瑩月  
枕橫釵雲墜領有情無物不雙棲文禽只合常交頸晝  
長歡豈定爭如翻作春宵永日瞳矐嬌柔嬾起簾押殘

花影

一作簾幙  
卷花影

相思令

一作長相思

蘋滿溪桺遶堤相送行人溪水西回

一作歸

時隴月低

煙霏霏風

一作雨

淒淒重倚朱門聽馬嘶寒鷗相對飛

云一

少年遊

紅葉黃花秋又老疎雨更西風山重水遠雲閒天淡遊

子斷腸中

青樓薄倖何時見細說與這忡忡念遠離

情感時愁緒應解與人同

賀聖朝

淡黃衫子濃妝了步縷金鞋小愛來書幌綠窗前半和  
嬌笑 謝家姊妹詩名空杳何曾機巧爭如奴道春來  
情思亂如芳草



生查子

當初相見時彼此心蕭酒近日見人來卻恁相謾說  
休休休便休美底交他且匹似沒伊時更不思量也

小石調

夜厭厭

昨夜小筵歡縱燭房深舞鸞歌鳳酒迷花困共厭厭倚  
朱弦未成歸弄 峽雨忽收尋斷夢依前是畫樓鐘動  
爭拂雕鞍念念去萬千恨不能相送

二

昨夜佳期初共鬢雲低翠翹金鳳樽前含笑不成歌意  
偷期眼波微送 峽雨豈容成楚夢夜寒深翠簾霜重  
相看還到斷腸時月西斜畫樓鐘動

迎春樂

城頭畫角催夕宴憶前時小樓晚殘虹數尺雲中斷愁  
送目天涯遠 枕清風停畫扇逗蠻簾碧紗零亂怎生  
得伊來今夜裏銀蟾滿

鳳栖梧

夜宴

密宴厭厭一作未休池館暮天漢沈沈借得春光住紅翠闌



為長袖舞香檀拍過驚鴻翥 明日不知花在否今夜

圓蟾後夜憂風雨可惜歌雲容易去東城楊柳東城一作

來路

張子野詞卷一

張子野詞卷二

吳興 張先 子野

歇指調

雙燕兒

榴花簾外飄紅藕絲罩小屏風東山別後高唐夢短猶  
喜相逢 幾時再與眠香翠悔舊歡何事忽忽芳心念  
我也應那裏蹙破眉峯

卜筭子慢

溪山別意煙樹去程日落采蘋春晚欲上征鞍更掩翠



簾相晒翠簾下一有惜彎彎淺黛長長眼柰畫閣歡遊

也學狂花亂絮輕散 水影橫池館對靜夜無人月高

雲遠一晌凝思兩袖淚痕還滿淚痕還滿下一恨私書

又逐東風斷縱西北一作層樓萬尺一作望重一作城

那見

林鍾商

更漏子 三首

錦筵紅羅幕翠侍燕美人姝麗十五六解憐才勸人深

酒杯 黛眉長檀口小耳畔向人輕道柳陰曲是兒家

門前紅杏花

二

星斗稀鐘鼓歇簾外曉鶯殘月蘭露重柳風斜滿庭堦

落花 虛閣上倚欄望還似去年惆悵春欲暮思無窮

舊歡如夢中

三 流杯堂席上作

相君家賓宴集秋葉曉霜紅溼簾額動水紋浮纈花相

對流一作薄霞衣一作酣酒面重抱琵琶輕按

迴畫撥抹么弦一聲飛露一作蟬



南歌子

醉後和衣倒愁來殢酒醺困人天氣近清明盡日厭厭  
臉淺含顰 睡覺 恨依然月映門楚天何處覓  
行雲唯有暗燈殘漏伴銷魂

二

蟬抱高高柳蓮開淺淺波倚風疎葉下庭柯况是不寒  
不暖正清和 浮世歡會少勞生怨別多相逢休惜醉  
顏酡賴有西園明月照笙歌

三

殘照催行棹乘春拂去衣海棠花下醉芳菲無計少畱  
君住淚雙垂 煙染春江暮雲藏閣道危行行聽取杜  
鵑啼是妾此時離恨盡呼伊

蝶戀花

臨水人家深宅院堦下殘花門外斜陽岸柳舞麴塵千  
萬線青樓百尺臨天半 樓上東風春不淺十二欄干  
盡日珠簾捲有個離人凝淚眼淡煙芳草連雲遠

二

檻菊愁煙蘭泣露羅幕輕寒燕子雙來去明月不諳離



恨苦斜光到曉穿朱戶  
昨夜西風彫碧樹獨上高樓  
望盡天涯路欲寄彩牋兼尺素  
山長水闊知何處

三

綠水波平花爛熳照影紅妝步  
轉垂楊岸別後深情將  
爲斷相逢添得人畱戀  
絮軟絲輕無繫絆煙惹風迎  
併入春心亂和淚語嬌聲又顫  
行行儘遠猶回面

四

移得綠楊栽後院學舞  
一作漸學宮腰二月青猶短  
不比灞陵多送遠  
殘絲亂絮一作千絲萬縷東西岸  
幾葉一作度小眉

寒不展莫休

一作

唱陽關

真個腸先斷

一作無腸斷

分付與春

休一作春

細看

一作分付與春春不管

條條盡是離人怨

訴衷情

花前月下暫相逢  
苦恨阻從容  
何況酒醒夢斷  
花謝月朦朧  
花不盡月無窮  
兩心同  
此時願作楊柳千絲絆  
惹春風

二

數枝金菊對芙蓉  
零落意忡忡  
不知多少幽怨和淚泣  
東風人散後  
月明中  
夜寒濃  
謝娘愁臥  
潘令閒眠  
往



事何窮

木蘭花 邠州作

青錢一作銅貼水萍無數臨曉西湖春漲雨泥新輕燕面

前飛風慢落花衣上住紅裙空引一作解煙娥一作蛾聚

雲月卻能隨馬去明朝何處上高臺同認玉峯山下路

二

西湖楊柳風流絕滿縷青春看贈別牆頭簌簌暗飛花

山外陰陰初落月秦姬穠麗雲梳髮持酒唱一作聽歌

畱晚發驪駒應解惱人情一作應亦解人情欲出重城嘶不歇

三

樓下雪飛樓上宴歌咽笙簧聲韻顫樽前有個好人人

十二欄干同倚徧簾重不知金屋晚信馬歸來腸欲

斷多情無奈苦相思醉眼開時猶似見

減字木蘭花 詠舞一作贈伎

垂螺近額走上紅裯初趁拍只恐輕飛擬倩遊絲惹住

伊一作衣文鴛繡履去似楊花一作流風塵不起舞徹伊州

頭上宮花一作花枝顫未休

少年遊 井桃



碎霞浮動曉朦朧春意與花濃一作通銀瓶素練玉泉金

鬢真色浸朝紅花枝人面難常見青子小叢叢韶華

長在明年依舊相與笑春一作東風

二

帽簷風細馬蹄塵常記探花人露英千樣粉香無盡驀

地酒初醒一作秦地酒初醉探花人向一作漸花前老花上舊

時春行歌聲外一作裏靚妝叢裏須貴少年身

醉落魄詠佳人吹笛

雲輕柳弱內家髻要一作子新梳掠生香真色人難學橫

管孤吹月淡天垂幙朱唇淺破桃花一作櫻桃萼倚樓誰

一作人在闌干角夜寒手一作指冷羅一作春衣薄聲入霜林

簌簌驚一作飛梅落

喜朝天清暑堂贈蔡君謨

曉一作晚雲開睨仙館陵虛步八蓬萊玉宇瓊鬢對青林

近歸鳥徘徊風月頓消一作從今清暑野色對一作帶江山助

詩才簫鼓宴璇題寶字浮動持杯人多送目天際一作

天多送目無際識渡舟帆小時見潮回故國千里其十萬室日

日春臺睢社朝一作廟京非遠正和羹民口渴鹽梅佳景



在吳儂遠望分間重來

破陣樂 錢塘

四堂互映雙門竝麗龍閣開府郡美東南第一望故苑  
樓臺霏霧垂柳池塘流泉巷陌吳歌處處近黃昏漸更  
宜良夜簇簇一少一繁星燈燭長衢如晝暝色韶光幾  
許一作粉面飛臺朱戶和煦一作雁齒橋紅裙腰草  
綠雲際寺林下路酒熟梨花賓客醉但覺滿山簫鼓盡  
明遊同一作民樂芳菲有主自此歸從泥詔去指沙堤  
南屏水石西湖風月好作千騎行春畫圖寫取

三字令

春欲盡日遲遲牡丹時羅幌掩繡簾垂彩牋書紅粉淚  
兩心知人不見燕空歸負佳期香燼冷枕閒欹月方  
明花淡薄惹相思

中呂調

菊花新

墮髻慵妝來日暮家在畫一作橋堤下住衣緩絳綃垂  
瓊樹裊一枝紅霧院深池靜嬌一作相妒粉牆低樂  
聲時度長恐舞筵空輕化作彩雲飛去



虞美人

案此闕又載馮延巳陽春集

畫堂新霽情蕭索  
深夜垂珠箔  
洞房人睡月嬋娟  
梧桐雙影上珠軒  
立階前  
高樓何處連宵宴  
塞管聲幽怨  
一聲已斷別離心  
舊歡拋棄杳難尋  
恨沈沈

二

案此闕亦載陽春集

碧波簾幕垂朱戶  
簾下鶯鶯語  
薄羅依舊泣青春  
野花芳草逐年新  
事難論  
鳳笙何處高樓月  
幽怨憑誰說  
亭亭殘照上梧桐  
一時彈淚與東風  
恨重重

三

茗花飛

一作落

盡汀風定茗水天  
搖影畫船羅綺滿  
溪春

一曲石城清響亮

一作亮字

八高雲

壺觴昔歲同歌舞

一作

笑

今日無歡侶

一作年少

南園花少故人稀  
月照玉樓依舊

有一無  
似當時

醉紅妝

瓊枝玉樹不相饒  
薄雲衣細柳腰  
一般妝樣百般嬌  
眉

眼細好如描

一作眉眼  
秀總如描

東風搖草百

一作雜

花飄恨無

計上青條更起雙  
歌郎且飲郎未醉  
有金貂

仙子

時為嘉禾小倅以病眠不赴府會



水調數聲持酒聽午醉醒來愁未醒送春春去幾時回  
臨晚鏡傷流景往事後期空記省沙上竝禽池上暝  
雲破月來花弄影重重簾幙密遮燈風不定人初靜明  
日落紅應滿徑

二 鄭毅夫移青社

持節來時初有雁十萬人家春已滿龍標名第鳳池身  
堂阜遠江橋晚一見一作障湖山看未徧鄣扇欲收歌  
淚濺亭下花空羅綺散檣竿漸向望中疎旗影轉聲聲  
斷惆悵不如船尾燕

菩薩蠻

玉人又是忽忽去馬蹄何處垂楊路殘日倚樓時斷魂  
郎未知欄干移倚徧薄倖教人怨明月卻多情隨人  
處處行

高平調

怨春風

無由且住綿綿恨似春蠶緒見來時餉還須去月淺燈  
收多在偷期處今夜掩妝花下語明朝芳草東西路  
願身不學相思樹但願羅衣化作雙飛羽



于飛樂令

寶奩開菱鑑靜一掬清蟾新妝臉旋學花添蜀紅衫雙  
繡蝶裙縷鶻鶻尋思前事小屏風巧一作仍畫江南怎  
空交一作教草解宐男柔桑暗又過春蠶正陰晴天氣更  
暝色相兼幽期消息曲房西碎月飾簾

臨江仙

自古傷心惟遠別登山臨水遲留暮塵衰草一番秋尋  
常景物到此盡成愁況與佳人分鳳侶盈盈粉淚難  
收高城深處是青樓紅塵遠道明日忍回頭

江城子

鏤牙歌板齒如犀串珠齊畫橋西雜花池院風幙卷金  
泥酒入四肢波入鬢嬌不盡翠眉低疑佚下闕

轉聲虞美人

又名胡搗練雪上送唐彥猷

使君欲

一作少

醉離亭酒酒醒離愁轉有紫禁多

一無時多字

虛右茗

一作清

雪畱難久

一聲歌掩雙羅袖日落亂山

一作汀花

春後猶有東城煙柳青蔭長依舊

燕歸梁

去歲中秋玩桂輪河漢淨無雲今年江上共瑤樽都不



是去年人 水精宮殿琉璃臺閣紅翠兩行分點唇機  
勤一作秀眉顰清影外見微塵  
歌塵

夜月一作啼鳥促亂弦江樹遠無煙缺多圓少柰何天  
愁只恐下關山 粉香生潤衣珠弄彩人月兩嬋娟  
連殘夜惜餘歡人月在又明年

酒泉子

亭下花飛月照妝樓春欲曉珠簾風蘭燭燼怨空閨  
迢迢何處寄相思玉筍零零腸斷屏幃深更漏永夢魂

迷

二

人散更深堂上孤燈堦下月早梅愁殘雪白夜沈沈  
關前偷唱繫瓊簪前事總堪惆悵寒風生羅衣薄萬般  
心

三

春色融融飛燕未來鶯未語露桃寒風柳曉玉樓空  
天長煙遠恨重重消息燕鴻歸去枕前燈窗外雨閉簾  
櫳



四

亭柳霜凋一夜愁人窗下睡繡幃風蘭燭焰夢遙遙

金籠鸚鵡怨長宵籠畔玉箏弦斷隴頭雲桃源路兩魂

銷

五

芳草長川柳映危橋堤下路歸鴻飛行人去碧山連

風微煙澹雨蕭然隔岸馬嘶何處九迴腸雙臉淚夕陽

天

定西番

今夕登樓詞客飄逸氣拂晴霓盡帶江南春色過長淮

一曲豔歌畱別翠蠟搖寶釵此後吳姬一作難見且

律調

仙呂調

案天仙子前卷八中呂宮醉  
桃源前卷八大石調俟攷

河傳

一作怨王孫

花暮春去都門東路嘶馬將行江南江北十里五里郵

亭幾程程高城望遠看回睇煙細晚碧空無際今夜

何處一作高城漸遠重凝睇煙容細冷落衾幃欲眠時

偷聲木蘭花



雪籠瓊苑梅花瘦外院重扉聯寶獸海月新生上得高

樓無一作沒柰情簾波不動凝一作銀釭小今夜夜長爭

得曉欲夢高唐只一作祇恐覺來添斷腸

二

畫橋淺映橫塘路流水滔滔春共去目送殘一作斜暉燕

子雙高蝶對飛風花將盡持杯送往事只成清夜夢

莫更登樓坐想行思已是愁

醉桃源渭州作

雙花一作歌連袂近香猊歌隨鏤板齊分明珠索漱煙溪

凝雲定不飛昏破點齒編犀春鶯莫亂啼陽關更在

碧峯西相看翠黛低

千秋歲

數一作幾聲鶗鴂又報芳菲歇惜春去一無去字更把殘紅折

雨輕風色暴梅子青時節永豐柳無人盡日飛花雪

莫把么弦撥怨極弦能說天不老情難絕心似雙絲網

中有千千結夜過也東窗未白凝殘月一作孤燈滅

天仙子別渝州

醉笑相逢能幾度為報江頭春且住主人今日是行人



紅袖舞清歌女憑仗東風交點取 三月桺枝柔似縷  
落絮儘一作倦飛還戀樹有情寧不憶西園鶯解語花無  
數應訝使君何處去

般涉調

漁家傲 和程公闢贈別

巴子城頭青草暮巴山重疊相逢處燕子占巢花脫樹  
杯且舉瞿塘水闊舟難渡 天外吳門清雪路君家正  
在吳門住贈我桺枝情幾許春滿縷為君將入江南去  
來詞云折桺贈君君且住

張子野詞卷二



張子野詞補遺上

天仙子 觀舞

十歲手如芽子筍  
回愛弄妝偷傅粉  
金蕉併為舞時空  
紅臉嫩輕衣褪  
春重日濃花覺困  
小斜雁軋弦隨步趁  
小鳳纒珠光  
遶鬢密教持履  
恐仙飛催拍緊  
驚鴻奔風袂飄緜  
無定準

二 公擇將行

坐治吳州成樂土  
詔卷風飛來聖語  
親輿乞得便蕃歸  
瑤席主杯休數清  
夜為君歌白苧  
花接舊枝新藥吐

張子野詞補遺

一 知不足齋叢書



造化不知人有助看花歲歲比甘棠嘉月暮東門路只  
恐帶將春色去

南鄉子

送客過餘溪聽天隱二玉鼓胡琴

相竝細腰身時樣宮妝一樣新曲項胡琴魚尾撥離人  
入塞弦聲水上聞天碧染衣巾血色輕羅碎摺裙百  
卉已隨霜女如東君暗折雙花借小春

少年游

渝州席上和韻

聽歌持酒且休行雲樹幾程程眼看簷牙手搓花蘂未  
必兩無情拓夫灘上聞新雁離袖掩盈盈此恨無窮

遠如江水東去幾時平

定風波令

碧玉篦扶墜鬢雲鶯黃衫子退紅裙妝樣巧將花草競  
相竝要教人意勝於春酒眼茸茸香拂面見丹青  
寧似鏡中真自是有情偏小小向道江東誰信更無人

二

次子瞻韻送元素內翰

浴殿詞臣亦議兵禁中頗牧黨羌平詔卷促歸難自緩  
溪館綵花千數酒泉清春草未青秋葉暮去一家  
行色萬家情可恨黃鶯相識晚望斷湖邊亭上不聞聲



引子與言補遺上

三 再次韻送子瞻

談辨纔疎堂上兵畫船齊岸暗潮平萬乘靴袍會好問  
須信文章傳口齒牙清 三百寺應遊未徧 筭湖山  
風物豈無情不獨渠丘歌叔度行路吳謠終日有餘聲

四 雪溪席上同會者六人楊元素侍讀劉孝叔吏部子瞻公擇二學士陳待舉賢良

西閣名臣奉詔行南牀吏部錦衣榮中有瀛仙賓與王  
相遇平津選首更神清 溪上玉樓同宴喜歡醉對堤  
杯葉惜秋英盡道賢人聚吳分試問也應傷一作有老  
人星

木蘭花

人意其憐花月滿花好月圓人又散歡情去逐遠雲空  
往事過如幽夢斷 草樹爭春紅影亂一唱雞一作聲  
千萬怨任教遲日更添長能得幾時擡眼看

二 和孫公素別安陸

相離徒有相逢夢門外馬蹄塵已動怨歌畱待醉時聽  
遠目不堪空際送 今宵風月知誰其聲咽琵琶槽上  
鳳人生無物比多情江水不深山不重

三 宴觀文畫堂席上

張子子同補遺上

三知不足齋叢書



檀槽碎響金絲撥露溼尋陽江上月不知商婦爲誰愁  
一曲行人畱晚發 畫堂花人新聲別紅藥調高彈未  
徹暗將深意語膠弦長願弦絲無斷絕

四 送張中行

插花勸酒鹽橋館召節促行龍闕遠吳船漸起晚潮生  
蠻榼未空寒日短 慶門奕世隆宸睠歸到月陂梅已  
綻有情願寄向南枝圖得洛陽春色看

五 去春自湖歸杭憶南園花已開有當時猶有藥  
如梅之句今歲還鄉南園花正盛復爲此詞以  
寄意

去年春入芳菲國青蘂如梅終忍摘闌邊徒欲說相思  
綠螭密緘朱粉飾 歸來故苑重尋覓花滿舊枝心更  
惜鴛鴦從小自相雙若不多情頭不白

六 乙卯吳興寒食

龍頭舴艋吳兒競筍柱秋千游女竝芳洲拾翠暮忘歸  
秀野踏青來不定 行雲去後遙山暝已放笙歌池院  
靜中庭月色正清明無數楊花過無影

七 席上贈同邵二生

輕牙低掌隨聲聽合調破空雲自凝姝娘翠黛有人描



瓊女分鬟待誰併 弄妝俱學開心性  
固向鸞臺同照影 雙頭蓮子一時花  
天碧秋池水如鏡

傾杯 吳興

橫塘水靜花窺影 孤城轉浮玉無塵  
五亭爭景畫橋對起 垂虹不斷愛溪上  
瓊樓凭雕闌久 飛雲遠人在虛空  
月生溟海寒漁夜汎游鱗可辨 正是草長蘋老江  
南地暖汀洲日晚更茶山已過清明風雨暴千巖啼鳥  
怨芳菲故苑深紅盡綠葉陰濃青子枝頭滿使君莫放  
尋春緩

二

飛雲過盡明河淺 天無畔草色栖螢霜華清暑輕颺弄  
袂澄瀾拍岸宴玉塵談賓倚瓊枝秀挹雕觴滿午夜中  
秋十分圓月香槽撥鳳朱弦軋雁 正是欲醒還醉臨  
空悵遠壺更疊換對東西數里回塘恨零落芙蓉春不  
管籠燈待散誰知道座有離人目斷雙歌伴煙江艇子  
歸來晚

離亭宴

公擇別吳興

捧黃封詔卷隨處是離亭別宴紅翠成輪歌未徧已恨

張子野司補遺上

五知不足齋叢書



野橋風便此去濟南非久惟有鳳池鸞殿 三月花飛  
幾片又減卻芳菲過半千里恩深雲海淺民愛比春流  
不斷更上玉樓西歸雁與征帆共遠

沁園春

寄都城趙閱道

心膂良臣帷幄元勳左右萬幾暫武林分闢東南外翰  
錦衣鄉社未滿瓜時易鎮梧臺宣條暮歲又西指夷橋  
千騎移珠灘上喜甘棠翠蔭依舊春暉 須知繫國安  
危料節召還趨浴鳳池且代工施化持釣播澤置孟天  
下此外何思素卷書名赤松游道飈馭雲駟仙可期湖

山美有啼猿唳鶴相望東歸

感皇恩

徐鐸狀元

延壽芸香七世孫華軒承大對見經綸溟魚一息化天  
津袍如草三百騎從清塵 玉樹瑩風神同時棠棣萼  
一家春十年身是鳳池人蓬萊閣黃閣主遲一作共談賓

憶秦娥

參差竹吹斷相思曲情不足西北有樓窮遠目 憶茗  
溪寒影透清玉秋雁南飛速菰草綠應下溪頭沙上宿

繫裙腰

張子子同補遺上

六知不足齋叢書



情一作農霜蟾照夜雲天朦朧影畫勾欄人情縱似長情

月筭一年年又能得幾番圓 欲寄西江題葉字流不

到五亭前東池始有荷新綠尙小如錢問何日藕幾時

蓮

清平樂

青袍如草得意還年少馬躍綠螭金絡腦寒食乍臨新

曉 曲池斜度鸞橋西園一片笙簫自欲賸畱春住風

花無奈飄飄

偷聲木蘭花

會居別乘康吳俗民到於今歌不足驪馭征鞭一去東

風十二年 重來卻擁諸侯馬寶帶垂魚金照地和氣

融人清雪于家日日春

菩薩蠻

佳人學得平陽曲纖纖玉筍橫孤竹一弄入雲聲海門

江月清 髻搖金鈿落惜恐櫻脣薄聽罷已依依莫吹

楊柳枝

二

藕絲衫翦猩紅窄衫輕不礙瓊膚白縵髮小橫波花樓

張子野詞補遺上

七知不足齋叢書



東是家 上湖閑盪藥粉盪芙蓉樣湖水亦多情照妝  
天底清

三七夕

牛星織女年年別分明不及人間物匹鳥少孤飛斷沙  
猶竝栖 洗車昏雨過缺月雲中墮斜漢曉依依暗蛩  
還促機

四又

雙針競引雙絲縷家家盡道迎牛女不見渡河時空聞  
烏鵲飛 西南低片月應恐雲梳髮寄語問星津誰爲

得巧人

慶春澤

飛閣危橋相倚人獨立東風滿衣輕絮還記憶江南如  
今天氣正白蘋花繞堤漲流水 寒梅落盡誰寄方春  
意無窮青空千里愁草樹依依關城初閉對月黃昏角  
聲傷煙起

二 與善歌者

盪色不須妝樣風韻好天真畫毫難上花影盪金尊酒  
泉生浪鎮欲畱春傷花爲春唱 銀塘玉宇空曠冰齒

長子野詞補遺上

入知不足齋叢書



映輕脣藥紅新放聲宛轉疑隨煙香悠颺對暮林靜寥  
寥振清響

玉聯環

南園已恨歸來晚芳菲滿眼春工偏上好花多疑不向  
空枝暖 惜恐紅雲易散叢叢看徧當時猶有藥如梅  
問幾日上東風綻

玉樹後庭花

上元

華燈火樹紅相鬪往來如畫河橋水白天青訝別生星  
斗 落梅穠李還依舊寶釵沾酒曉蟾殘漏心情恨雕

鞍歸後

二

寶牀香重春眠覺鮎窗難曉新聲麗色千人歌後庭清  
妙 青驄一騎來飛鳥靚妝難好至今落日寒蟾照臺  
城秋草

卜筮子

夢短寒夜長坐待清霜曉臨鏡無人為整妝但自學孤  
鸞照 樓臺紅樹杪風月依前好江水東流郎在西  
尺素何由到



雙韻子

鳴鞘電過曉闌靜  
斂龍旂風定鳳樓遠  
出霏煙聞笑語  
中天迴清光近  
歡聲竟鴛鴦集  
仙花鬪影更聞度曲  
瑤山升瑞日春宮永

鵲橋仙

星橋火樹長安一夜開  
徧紅蓮萬藥綺羅能借日  
鈔本與後段重城閉月相犯今從刻本細案詞意似宜作月中春風露細天清似水  
重城閉月青樓誇樂人在銀潢影裏畫屏期約近收燈歸  
步急雙鴛欲起

醉垂鞭

錢塘送祖擇之

酒面灩金魚吳娃唱吳湖上玉殿白麻書待君歸後  
勾畱風月好平湖曉翠峯孤此景出關無西州空

圖

定西番

秀眼纒生千媚釵玉重髻雲低寂寂  
挹妝羞淚怨分攜  
鴛帳願從今夜夢長連曉雞  
小逐畫船風月渡江西

二 執胡琴者九人

鐔撥紫槽金襯雙秀萼  
兩回鸞齊學漢宮妝  
樣競嬋娟

長子序同補遺上

十 知不足齋叢書



三十六弦蟬鬧小弦蜂作團聽盡昭君幽怨莫重彈

望江南 與龍韻

青樓宴靚女薦瑤杯一曲白雲江月滿際天拖練夜潮  
來人物誤瑤臺 醺醺酒拂拂上雙腮媚臉已非朱淡  
粉香紅全勝雪籠梅標格外風塵一作埃

少年遊慢

春城三二月禁柳飄綿未歇仙樂生香輕雲凝紫臨層  
闕歌掌明珠滑酒臉紅霞發華省名高少年得意時節  
畫刻三題徹梯漢同登蟾窟玉殿初宣銀袍齊脫生

玉人宴客玉樓西風飄雪忽零霏唐昌花藥漸平枝浮

光裏寒聲聚隊禽栖 驚曉日喜春遲野橋時伴梅飛

山明日遠霽雲披溪上月堂下水併春輝

御街行

天非花豔輕非霧來夜半天明去來如春夢不多時去

似朝雲何處一作無遠雞栖燕落星沈月一作沈星

統統城頭鼓 參差漸辨西池樹珠閣斜開戶綠苔深

徑少人行苔上屐痕無數餘香遺粉一作殘粉剩衾閑枕

一作開衾剩枕天把多情付

長子予同甫書上

聖知不足齋叢書



蘇幕遮

柳飛綿花實少縷板音清淺發江南調斜日兩竿雷碧  
馬足重重又近青門道 去塵濃人散了回首旗亭  
漸漸紅裳小莫訝安仁頭白早天若有情天也終須老

武陵春

每見韶娘梳鬢好釵燕傷雲飛誰掬彤霞露染衣玉透  
柔肌 梅花瘦雪梨花雨心眼未芳菲看著嬌妝聽柳  
枝人意覺春歸

醉落魄

吳興莘老席上

花探都門曉馬躍芳衢闊宴罷東風鞭梢一行飛

翦牡丹

舟中聞雙琵琶

野綠連空天青垂水素色溶漾都淨柔柳搖搖墜輕絮  
無影一作柳徑無人汀洲日落人歸修巾薄袂擷香拾  
翠相競如解凌波泊煙渚春暝 綵緜朱索新整宿繡  
屏畫船風定金鳳響雙槽彈出今古幽思誰省玉盤大  
小亂珠迸酒上妝面花豔媚相竝重聽盡漢妃一曲江  
空月靜



畫堂春

外潮蓮子長參差  
霽山青處鷗飛水天溶漾  
畫橈遲人  
影鑑中移  
桃葉淺聲雙唱杏紅  
深色輕衣小荷障面  
避斜暉分得翠陰歸

芳草渡

雙門曉鎖響朱扉  
千騎擁萬人隨風鳥弄影  
畫船移歌  
時淚和別怨作秋悲  
寒潮小渡淮遲吳越路  
漸天涯  
宋王臺上為相思  
江雲下日西盡雁南飛

二

山圍畫障風溪弄月清溶漾  
玉樓茗館人相望  
下箸醞  
醉競欲金釵當  
使君勸醉青娥唱  
分明仙曲雲中響  
南園百卉千家賞  
和氣兼  
不獨花枝上

長相思

湖溝在金陵上元之西

粉豔明秋水盈  
柳樣纖柔花樣輕  
笑前雙靨生  
寒江  
平江櫓鳴誰道潮溝非  
遠行回頭千里情

更漏子

杜陵春秦樹晚傷別  
更堪臨遠南去信欲憑誰歸  
鴻多  
北歸  
小桃枝紅蓓發  
今夜昔時風月休  
苦意說相思

長予詞補遺上

三知不足齋叢書



少情人不知

浣溪沙

樓倚春江百尺高  
煙中還未見歸橈  
幾時期信似江潮  
花片片飛風弄蝶  
柳陰陰下水平橋  
日長才過又今宵

醉桃源

仙郎何日是來期  
無心雲勝伊  
行雲猶解傍山飛  
郎行去不歸  
強勻一作自畫  
又芳菲春深輕薄衣  
桃花無語伴相思  
陰陰月上時

行香子

案此闕又載六一詞

舞雪歌雲閑淡妝  
勻藍溪水深染輕裙  
酒香醺臉粉色生  
春更巧談話美情性好精神  
江空無畔凌波何處  
月邊橋青柳朱門斷鐘殘角  
又送黃昏柰心中事眼中  
淚意中人

熙州慢

贈述古

武林鄉占第一湖山  
詠畫爭巧鷺石飛來倚翠樓  
煙靄清遠啼曉況值禁垣  
師帥惠政流入歡一作歌  
謠朝暮萬景寒潮弄月亂峯  
同照天使尋春不早併行樂  
免有

長子野同甫書上

古知不足齋叢書



花愁花笑持酒更聽紅兒肉聲長調瀟湘故人未歸但  
目送遊雲孤鳥際天杪離情盡寄芳草

虞美人

述古移南郡

恩如明月家家到無處無清照一帆秋色共雲遙眼力  
不知人遠上江橋願君書札來雙鯉古汴東流水宋  
王臺畔楚宮西正是節趣歸路近沙堤

泛青苕

又名感皇恩正月十四日與公擇吳興泛舟

綠淨無痕過曉霽清苕鏡裏遊人紅柱一誤巧綵船穩  
當筵主祕館詞臣吳娃勸飲韓娥唱競豔容左右皆春

學為行雨傷畫槩從教水濺羅裙溪煙混月黃昏漸  
樓臺上下火影星分飛檻倚斗牛近響簫鼓遠破重雲  
歸軒未至千家待掩半妝翠箔朱門衣香拂面扶醉卸  
簪花滿袖餘溫

惜瓊花

汀蘋白茗水碧每逢花駐樂隨處歡席別時攜手看春  
色螢火而今飛破秋夕一作早早一作早字河流如帶窄任  
身輕似葉何計歸得一作在輕似斷雲孤鶩青山極樓  
上徘徊無盡相憶



河滿子

陪杭守泛湖夜歸

溪女送花隨處沙鷗避樂分行遊舸已如圖障裏小屏  
猶畫瀟湘人面新生酒豔日痕更欲春長衣上交枝  
鬪色釵頭比翼相雙片段落霞明水底風紋時動妝光  
賓從夜歸無月千燈萬火河塘一作湖塘

勸金船

流杯堂唱和翰林主人元素自撰

流泉宛轉雙開寶帶染輕紗皺句人暗得船酒擁羅  
綺前後綠定見花影並照與豔妝爭秀行盡曲名休更  
再歌楊柳光生飛動搖瓊瑩隔障笙簫奏須知短景

歡無足又還過清晝翰閣遲歸來傳騎恨畱住難久  
日鳳凰池上為誰思舊

慶同天

即怨王孫又名河傳

海寓稱慶復生元聖風入南薰拜恩遙闕衣上曉色猶  
春望堯雲游釣廣樂人疑夢仙聲共日轉旗光動無  
疆帝一作聖筭何待祝華封與天同

雨中花令

贈胡楚草

近鬢絲鈿雲雁細大雲雁小雲雁好客豔花枝爭媚花枝十二學雙  
燕同栖還竝翅雙燕我合著你難分離合著這佛面前生

長子野同補遺上

共知不足齋叢書



應布施金浮 你更看蛾眉下秋水眉 似賽九底見他三  
五二胡 正悶裏也須歡喜子

江城子

小圓珠串靜慵拈夜厭厭下重簾曲屏斜燭心事入眉

尖金字半開香穗小愁不寐恨西蟾以上六十三闕亦

案名家詞集所刻子野詞有東坡居士題跋詞凡一百二十九闕刪其復見前集者六十六闕錄之如右

張子野詞補遺上

張子野詞補遺下

青門引春思

乍暖還輕冷風雨晚來方定庭軒寂寞近清明殘花中  
酒又是去年病 樓頭畫角風吹醒入夜重門靜那堪  
更被明月隔牆送過秋千影

滿江紅初春

飄盡寒梅笑粉蝶遊蜂未覺漸迤邐水明山秀暖生簾  
幕過雨小桃紅未透舞煙新柳青猶弱記畫橋深處水  
邊亭會偷約 多少恨今猶昨愁和悶都忘卻拚從前

張子野詞補遺下

一知不足齋



爛醉被花迷著晴鴿試鈴一作風力軟雛鶯弄舌春寒  
薄以上二闕花卷薄絕妙詞選錄補薄但只愁錦繡開妝時東風惡

漢宮春

紅粉苔牆透新春消息梅粉先芳奇葩異卉漢家宮額  
塗黃何人鬪巧運紫檀翦出蜂房應為是中央正色東  
君別與清香 仙姿自稱霓裳更孤標俊格非非字雪  
凌霜黃昏院落為誰密解羅囊銀瓶注水浸數枝小閣  
幽窗春睡起纖條在手厭厭宿酒殘妝右一闕梅苑錄補

生查子

詠筍。案此闕又載六一詞

含羞整翠鬟得意頻相顧雁柱十三弦一一春鶯語

縹雲容易飛夢斷知何處深院鎖黃昏陣陣芭蕉雨

浣溪沙

春閨。案此闕又見秦淮海詞

錦帳重重捲暮霞屏風曲曲鬪紅牙恨人何事苦離家  
枕上夢魂飛不去覺來紅日又西斜滿庭芳草襯殘

花

水滿池塘花滿枝亂香深裏語黃鸝東風吹軟弄簾幃  
日正長時春夢短燕交飛處柳煙低玉窗紅子鬪茶

張子野同補遺下

二知不足齋叢書



時

菩薩蠻 詠箏

哀箏一弄湘江曲  
聲聲寫盡江波綠  
纖指十三弦  
細粉幽恨傳  
當筵秋水慢  
玉柱斜飛雁  
彈到斷腸時  
春山眉黛低

滿庭芳 漁舟

紅蓼花繁黃蘆葉亂  
夜深玉露初零  
霽天空闊雲淡楚  
江清獨棹孤篷  
小艇悠悠過  
煙渚沙汀金鉤細  
絲綸慢捲牽動一潭星  
時時橫短笛清風皓月相與忘形

人生滄海一粟  
泛梗飄萍  
飲罷不妨醉臥  
塵勞事有耳誰聽

江風靜日高未起枕上酒微醒  
以上五闕身堂詩餘補錄

菩薩蠻

五雲深處蓬山杳  
寒輕霧重銀蟾小  
枕上挹餘香  
春風歸路長  
雁來書不到  
人靜重門悄  
一陣落花風  
雲山千萬重

二

青梅又是花時節  
粉牆閒把青梅折  
玉豔偶逢君  
春情如亂雲  
藕絲牽不斷  
誰信朱顏換  
莫厭十分斟  
酒深

張子野詞補遺下

三知不足齋叢書



情更深

浪淘沙

腸斷送韶華為惜楊花雪毬搖曳逐風斜容易著人  
易去飛過誰家聚散苦咨嗟無計畱他行人灑淚滴  
流霞今日畫堂歌舞地明日天涯

望江南

閨情

香闈內只自想佳期獨步花陰情緒亂謾將珠淚兩行  
垂勝會在何時厭厭病此夕最難持一點芳心無託  
處茶縻架上月遲遲惆悵有誰知

碧牡丹

晏同叔出姬

步帳搖紅綺曉月墮沈煙砌緩板香檀唱徹伊家新製  
怨入眉頭斂黛峯橫翠芭蕉寒雨聲碎鏡華鬢閒照  
孤鸞戲思量去時容易鈿盒瑤釵至今冷落輕棄望極

藍橋但暮雲千里幾重山幾重水

案道山清話云晏元獻為京兆辟張先為

通判新納侍兒公甚屬意先能為詩詞公雅重之每張  
來郎令侍兒出侑觴往往歌子野所為之詞其後王夫  
人愛不容公即出之一日子野至公與之飲子野作此  
詞令營妓歌之至末句公聞之憮然曰人生行樂耳何  
苦如此亟命於宅庫支錢若干復取  
前所出侍兒既來夫人亦不復誰何也

漢宮春

張子野詞補遺下

四知不足齋叢書



玉減香銷被嬋娟誤我臨鏡妝慵無聊強開強解楚破  
眉峯憑高望遠但斷腸殘月初鐘須信道承恩不在貌  
如何教妾為容 風暖鳥聲和碎更日高院靜花影重  
重愁來只待殢酒酒薄愁濃長門怨感恨無金買賦臨  
邛翻動念年年伴女越溪共採芙蓉

山亭宴 湖亭燕別

碧波落日寒煙聚望遠山迷離紅樹小艇無人來約梅  
酒商量岐路衰柳斷橋西共攜手攀條無語水際見鷺  
鷖一對對眠沙渚 西陵松柏青如故翦煙花幽蘭

露油壁閒花驄那禁得風吹細雨饒他此後更思量總  
莫似當筵情緒鏡面綠波平照幾度人來去

西江月 贈別

憶昔錢塘話別十年社燕秋鴻今朝忽遇暮雲東坐對  
一作旗亭說夢 破帽手遮紅斜 日練衣袖卷寒風  
對坐 盧花江上雨衰翁消得幾番相送  
名氏近葛氏刻安陸集收 之或別有所據姑附於此

張子野詞補遺下

張子野詞補遺下

五知不足齋叢書



貞居詞

別子里詩補遺

Vertical columns of text in the right-hand page, including a title '別子里詩補遺' and several columns of characters, likely representing a collection of poems or a commentary.



貞居詞

貞居詞

句曲張 天雨 伯雨

摸魚兒

雙蓮一輪為人折去仲舉遊子賦之

問凌波竝頭私語夜涼誰共料理柔情早被鴛鴦妬怕

擊水晶如意香旖旎一作旖旎待微雨清塵略為新妝一作梳

洗驂辭漫擬寒木未芙蓉同心輕絕未說已先醉 空

折損又墮偷香夢裏藕絲不斷新脆吳娃小艇無踪跡

也怪半池萍碎還略記是月冷鷗眠鷺宿會一作重驚起

高荷恨倚搵回首西風露盤傾瀉清淚似鉛水

貞居詞

一知不足齋叢書



道光乙巳重刊

蘇武慢 至正八年夏和虞道園

清露晨流新桐初引消受北窗涼曉經卷薰爐筆牀茶  
具長物恁他圍繞老子無情年光有限只似木人花鳥  
擬一作凝雲數朵奇峯曾見漢唐池沼 還自笑待老  
學鱸魚金題玉躡書裏也一作便容身了阿對泉頭布衣  
無恙占斷雨一作露 苔風篠獨鶴歸來一作遲 西山缺處掠  
過亂鴉林表舞琴心三疊胎仙坐到月高山小一作天  
高月小  
賀新郎 戲次仲舉韻  
金屋書中有為錢塘佳麗待尋歡偶記得朝雲前日夢

伏事東坡最久且不是郡無官守日日湖中公事了更  
成園妓女隨車後翁兩鬢禿如帚 老來莫負簪花手  
比佳人難得靈芝三秀此夕燈花何大喜便用買紅纏  
酒催看箇肩輿迎取有子平生千萬足看明年墮地於  
菟走挂冠去學疏受

木蘭花慢 己未十月十七日壽溪月真人

試瑤臺借雪春意早滿林巒笑東老殷勤能傾家釀與  
盡清歡會因求賢把詔便朗吟溢浦又廬山自愛西湖  
煙雨玉鞭分付青鸞 神仙官府官容閒樞要在元關

貞居詞

二知不足齋叢書



有溪上金鰲月中金粟長駐嬰顏願似洪厓橘木儘千  
年游戲向人間早晚鳳池書到通少殿上催班

又和馬昂夫

想桐君山水一作正睡雨聽淋浪記短棹曾經煙柳晚  
渡石磴飛梁無端故人書尺便夢中顛倒我衣裳此去  
釣臺多少小山叢桂秋香 青蒼秀色未渠央臺榭半  
消亡擬招隱羊裘尋盟鷗社投老漁鄉何時扁舟到手  
有一襟風月待平章輸與浮邱仙伯九臯聲外滄茫

又秋詞

看秋容漸好一作一番雨一番涼試點檢吾家小山叢  
桂金粟都黃濤江限他吳越便胥魂不似向時狂眼底  
龍飛鳳舞夢中狐嘯鴟張 茫茫今古揔堪傷歌罷意  
難忘甚老矣嵇生五弦揮手怕聽清商淵明平生師友  
白衣人借與我持觴若問醉翁年紀指渠松柏高岡

又和黃一峯聞箏

盡彈箏仕女會銀甲驟冰弦看蟬影傲傲鶯聲歷歷鴻  
陣翩翩哀音暮年多感柰對花對酒更聞鶉卻恐乘雲  
飛去纏頭裊住非煙 烏絲綴譜倩陳元雅調為誰傳



嗟江上峯青湘臯木落與挾飛仙正須絲竹陶寫儘勝  
一作渠槌拍一作拍板事枯禪莫負金尊皓月難留錦瑟華  
年

又 龜溪寄張小山

問出山小草誰與伴五湖遊便一昔風光桃花流水杜  
若芳洲來時洞門無鎖倩鶴羣長繞待一作仙樓邂逅  
小山招隱依然我輩清風一竹流 春愁相戀住餘不寒  
擁弊貂裘柰兩恹煙花雲帆溪鳥都在簾鉤眼前自無  
俗物動山心嫌聽鹿呦呦猛把石闌干拍買胡知為誰

雷

瑤花慢

賦雪次仇山村韻

篩冰為霧屑玉成塵借阿姨風力千巖競秀怎一夜換  
作連城之壁先生閉戶怪短日寒催駒隙想平沙鴻爪  
成行似醉時書迹 未隨埋沒雙尖便淡掃蛾眉與鬪  
顏色裁詩白戰驢背上馱取霸橋吟客撚鬚自笑儘未  
讓諸峯頭白看洗出宮柳梢頭已借淡黃塗額

百字令

壽元覽真人次黃一峯韻

橙黃橘綠占一年好景人間真樂玉塵金鼈相對峙如

真居詞

四知不足齋叢書



我視今猶昨珍重留侯招邀黃石俱赴蟠桃約一卮仙  
酒得陪三老斟酌 揔道獨綰銀章重披宮錦有自家  
天爵八表明年身更健曾次遙天恢廓春小花繁溪清  
月皎都付延年藥洞霄仙侶更添一箇仙鶴

金縷曲

四月四日爲王國輔生日作

紅蓮一舸向遊仙夢裏步虛金闕朝罷香煙攜滿袖初  
度玳筵重設玉軸琵琶金瓶芍藥都在春風列天然清  
貴樵林自愛晴雪 笑說奉母閒居吾非巧宦未信潘  
郎拙戲引鴛鴦香徑底好在雙珠明月錦繡樓臺燕鶯

簾幙垂柳青絲結金籠放鴿年年飛絮時節

宴山亭

賦楊梅

鶴頂朱圓豐

一作

肌粟聚寶葉採藍初洗親翦翠柯遠

贈筠籠脈脈紅泉流齒骨換丹砂笑尙帶儒酸風味誰

記會問譜

一無譜字

西泠綠陰青子

君家幾度尊前摘天

上繁星伴人同醉纖手素盤歷亂殷紅浮沈半壺脂

一作

湘水珍果同時惟醉寫來禽青李爭似爲越女吳姬染

指

八聲甘州

舟次垂虹寄元洲許道民

頁居同

五知不足齋叢書



柳泚水未浣一作染 柰春寒仙風引歸槎渺雲岑天末煙

江雨外猶認漁家一作芳華 獨酌瓦甌篷底誰與飯胡麻疑

聽松風響水宿蒹葭 天上春愁鶴髮許一菴閒地壞

衲雙鬢笑清狂無賴痼疾是煙霞念葛洪移居辛苦甚

左郎容易問丹砂憑傳語空山流水深護桃花

燭影搖紅紅梅

休擊珊瑚怕驚么鳳枝頭睡看花猶自未分明雪在雲

一作空 堦砌步障齊奴故里儘一幅仙人絳袂研丹吮粉

擬覓生綃芳心難寄 姑射肌膚朝霞散入春風髓石

橋冰酒影娥閒略約一作約略 相逢地錯妬嫣然嫵媚柰兒

家天寒翠被一作快 碧桃和露聽徹吹笙綠珠羞墜

石州慢和黃一峯秋興

浴口空城禾黍夜深砧杵纔歇怪他蘿薜絺衣風露潤

滋涼浹清怨多少只消目送飛鴻五弦已是心悲咽把

酒問青天又中秋時節 聞說謫仙去後何人敢擬酒

豪詩傑草草山窗一作林 還我舊時明月書帷冷落閒文

閒字偏情熱孤負楮先生有一庭紅葉

水調歌頭盆荷



江湖一作河渺何許歸興浩無邊忽聞數聲水調令我意  
悠然莫笑盆池咫尺移得風煙萬頃來傷小窗前稀疎  
澹紅翠特地向人妍 華峯頭花十丈藕如船那知此  
中佳趣別是一壺天倒挽碧筩醺酒醉臥綠雲深處雲  
影自田田夢中呼一葉散髮看書眠

又為初心真人七袞初度時延祥有賜田之命

瑞靄廷真一作貞館春滿瑞真家絳縣老人年紀更柰紫  
髯何前日黃華迎賜賜子青瑣舊物田野揔謳歌報貺  
啓金籙笙鶴恰來過 問蟠桃花結實樹交柯今朝佳

無五言都在牡丹坡何物可為公壽直北心如明月清  
鏡閱人多於此看動業銅狄細摩挲

又贈都料邵子和還嘉禾

別有梓人傳精藝奪天工便使玉人雕琢妙手略相同  
寶殿網珠窗戶華蓋狻猊牀座金碧鬪玲瓏花萼間芝  
草細縷一重重 看揮斤除鼻堊運成風多少巧心奇  
思舞鳳更翔龍縱使棘端猴小與刻三年楮葉難比錦  
心胸快袖吳剛斧修取廣寒宮

滿庭芳重九次趙侯韻



湖曲荒煙石林斜日笛聲淒斷山陽孤懷無託只用醉  
為鄉回首西風黃落儘輸他松檜青蒼相思處書題新  
橘還待滿林霜 人生難會合良辰孤負把菊傳觴便  
三人對月獨自清狂政為楚音空谷天遠近鴻鵠高翔  
空追和陽春一曲聊代紫萸囊

又

和歐陽彥珍伴桂

桂影團團小山叢底今年特地收香早陣風陣雨頻掩  
西窗一翦辟寒金碎一作粟甚教人長想容光淒涼夜香  
篝撤去孤負蕭堂一作華堂金荷芙蓉儘未怕換葉移根

多少思量縱素娥老去宵便相忘怪得探芳秋蝶向翠  
陰深處迴翔非遲暮一枝折得畱待仙郎

滿江紅

開元斗室落成元覽真人命名得月軒

笑向桃花又一番元都春色彷彿記主家陰洞不多陳  
迹竹裏棋枰憎鳥污林間鶴語無人識怪東風遲暮卻  
歸來寵眉客 溝水漲雲充斥環堵隘花狼籍似石湖  
魚小一作不魚湖小酒船寬窄庭下已生書帶草秀人錯認揚  
雄宅問青天明月落誰家無心得

又

玉簪次玘彥功韻



玉導纖長頓化作雲英香莢風弄影綠鬟撩亂搔頭斜  
插璞小還思釵燕竝叢幽略比蕉心狹看柔鬢點綴半  
開時微烘蠟 冰筋瘦瓊枝滑芳徑底誰偷指怕夜涼  
滑得錦圍紅匝鵝管不禁仙露重蜜脾賸借清香發待  
使君絕妙好詞成須彈壓

獅兒詞

賦梅次仇山村韻

含香弄粉便勾引游騎尋芳城南城北別有西村一作林  
斷港冰澌微綠孤山路熟伴老鶴晚先尋宿怕凍損三  
花兩葉寒泉幽谷 幾番花影濯足記歸來醉臥雪深

半屋春夢無憑鬢底鬧蛾爭撲不如圖畫相對展官奴  
風竹桃黃獨自聽瓶笙調曲

望梅花

壽師道真人

何處仙家方丈渾連水

一作渾在水

隔他塵埃放鶴天寬看

雲窗小萬幅丹青圖障憑高望笑掣金鼈人道是蓬萊  
頂上 時問葛陂龍杖更準備雪中鶴斃脩月吳剛收  
書東老消得百壺春釀無盡藏莫傲清閒怕詔起山中  
宰相

踏莎行

真居詞

九知不足齋叢書



王蔭隱五香圖作圓象墨寫梅蘭水仙山礬瑞  
香五品盤屈折枝於其中韓明善有月上影娥  
池人在衆香國一聯合子爲易元賦之

玉鏡臺前看花如霧交柯接葉紛無數春寒約住柳絲  
圈月明染下方諸露 盧阜神遊湘臯微步玉奴老去  
羞樊素韓郎解比影娥池倩誰摘出香奩句

又爲朱德輝送醫僧道二首

龍樹名方阿師偏一作得參苓藥籠真奇特閒身偶爾  
一作示病魔侵幾番勞動黃金錫 灌溉三田平和百脈

只消甘露楊枝滴入荒壽域太平時大家都藉慈悲力

又其二

春夢還山藥羅巖上覺來便覺身亡恙不知引入市廛

一作塵 壺丹瓢猶挂蒼龍杖 一脈清涼三關調暢

更展滄溟量還將底事謝先生山中百斛丹泉釀

南鄉子 題李紫箕山居

午枕託冥搜得句棲霞半嶺頭不柰風篁疎雨過颼颼  
化蝶飛來爲少畱 石壁倚清秋袖拂煙痕寫遠遊信  
有平生濠濮想悠悠身似潛魚嬾上鉤

十知不足齋叢書



蝶戀花 新橋

誰道鵝兒黃似酒對酒新鵝得似垂絲柳松粉泥金初  
染就年年春雪消時候 一縷柔情能斷否雨重煙輕  
無力縈窗牖試看溪南陰十畝落花都聚紅雲帚

又 清明日去梁溪元鎮買舟追送未至戲題所坐船窗

雨館幽人朝睡美好趁春晴茶竈隨行李九朵芙蓉青  
似洗天河一夜增新水 相送殷勤煩主禮燕子無情  
不管帆檣起錯恨分風三十里清明小住為佳耳

又 追次松翁卷中冬至之作

空谷天寒殊慰藉半福瑤華喚得春回也金馬玉堂猶  
傳舍松雲頰水風流夜 馳騁莊騷陵鮑謝昔日忘年  
邂逅鴻濛野愁絕朱弦誰為寫高情那復如疏者

浪淘沙

周晉仙諱文璞者有詞云還了酒家錢便好安  
眠大槐宮裏著貂蟬行到江南知是夢雪壓漁  
船盤礴古梅邊也信一作是前緣鵝黃雪白又醒  
然一事最奇君聽一作記取明日新年晉仙宋南  
渡來名士一號方泉老人此詞鮮于困學每愛



書之百年後方外士張兩追和一章以為笑樂  
惜困學公不能為我賞音

拋一作挑下杖頭錢取次高眠玉梅金縷孟家蟬說著錢  
塘都似夢嬾問遊船誰信酒壚邊別有仙緣自家天  
地一陶然醉寫桃符都不記明日新年

茅山逢故人句曲道中送友

山下寒林平楚山外雲帆一作溪煙渚不飲如何吾生如  
夢鬢毛如許能消幾度相逢遮莫而今歸去壯士黃  
金昔人黃鶴美人黃土

殿前歡楊廉夫席上有贈

小吳娃玉盤仙掌載流霞後堂絳帳重簾下誰理琵琶  
香山處士家玉局仙人畫一刻春無價老夫一作先生醉也

烏帽瓊華

早春怨擬白石

盼得春來春寒春困陡頓無聊半剔殘缸片時春夢過  
了元宵空山暮暮朝朝到此際無魂可消卻倚東風  
水如衣帶草似裙腰

如夢令山中逃熱三首

貞居詞

士知不足齋叢書



湖外殘鐘未了過嶺樵夫恁早犬吠又人行推枕北窗  
清曉清曉清曉勞動數聲啼鳥

又其二

綠錦峯巒似繡曲折一渠冰酒中有養疴人欹枕北窗  
清晝清晝清晝蝴蝶還知夢否

又其三

靜默兩家茅舍特地月明狼藉不管候蟲吟高枕北窗  
清夜清夜清夜涼似樊川水榭

漁父詞 贊船子和尚二首

此物由來不可名絲綸收去水波平長抱膝可憐生誰

共蓑衣臥月明

又其二

上釣金鱗不用多踏翻船子便高歌猶有在問如何問

取儂家一作神仙張志和

摸魚子 和王平軒

看棋枰一番換局山<sub>中</sub>知幾朝暮舊時王謝堂前燕都  
付後人懷古胡琴語素燕寢凝香此日天應許甘回味  
苦笑老子癡頑胷中色線終為袞衣補 投簪去政有



小山鼓桂歸來依舊為主春江賸釀番江一作浦桃淥門外

儘多朱履高陽侶慣踏醉狂歌驚起星河鷺花枝爭舞

語一作向蘭玉堦前穠纖依約猶染斷縑素

風入松 壽吳大宗師

羽衣能補舜衣裳閒看雲忙宣支奎畫龍珠護 家山

輝映琳琅天上重逢初度仙韶錫宴非常 滿朝人道

魯靈光合佩金章月牙修出纖纖月看年年玉斧吳剛

不枉盤根壽櫟要扶宗社靈長

朝中措 早春書易元九曲新居壁

草堂移住古城隈堂後作水平階要結柴桑鄰里不

須鷗鷺驚猜 行廚竹裏園官菜把野老山杯說與定

巢新一作雙燕杏花開了重來

太常引 俗鷓鴣灣有詠寫奉易元

一叢奇石古苔龕一半浸按藍有幾許煙嵐怕魚鳥驚

人笑談 幽幽尺宅蕭蕭環堵佳處要人參休看是江

南似鉅姆潭西小潭

又 漫翁新製畫舫湖中予為名其舫曰浮家泛宅  
翁姓李字仁仲湖船用布帆自李始

莫將西子比西湖千古一陶朱生怕在樓居也用著風



帆短蒲 銀瓶索酒并刀斫 鱸船背錦糲 餬堤土阜傳  
呼那箇是煙波釣徒

定風波

玉虛一作塵 宗師十月二十八日誕 丁卯九月閏  
錦衣期頤之佳瑞也 舊蓬萊閣成後 一云舊游蓬萊閣新  
成 拜鎮南王賜衣之寵喜而作歌

漆黠方臆雪覆眉鶴巢一作飛 殿角與雲齊 笑挈蓬萊三  
百丈 更向白雲層外著丹梯 步障諸峯霜似錦 借問  
高寒那與世人知 楊子賢王新有教 澹染高麗綾子製

荷衣

憶秦娥 楊山居湖船新成 載酒落之賦秦樓月 首書於船窗

蘭舟小一篷也 便容身了容身了 幾番煙雨幾番昏曉  
出橋三面青山繞 入城一向紅塵擾 紅塵擾綠葦青  
筍 蕩渠多少

又 其二

蘭舟小沿堤 傍著裙腰草 裙腰草年年青翠 幾曾枯槁  
漁歌一曲門顛倒 酒壺早是容情了 容情了 官來清  
坐喫茶須好



水龍吟

代元覽和東泉學士自壽之作

古來宰相神仙有誰得似東泉老今朝佳宴楊枝解唱  
 花枝解笑鐘鼎山林同時行輩故人應少問功成身退  
 何須更學鴟夷子煙波渺我自深衣獨樂儘從渠黃  
 塵烏帽後來官職清高一品還他三少不須一作十載  
 光陰渭水相逢又入非熊夢了到恁時拂袖逍遙勝戲  
 十洲三島

梧葉兒

贈龜溪醫隱唐茂之二首

參苓籠山水閒好處在西關放取詩瓢去攜將酒榼還

倩歌鬟休舉似江南小山

又其二

移家去市隱閒幽事頗相關劉商觀弈罷韓康賣藥還  
 點檢綠雲鬟數不盡龜溪好山

鷓鴣天

贈醫士沈德誠

東老傳家道氣濃樗皮壁上有仙踪耳孫陰德知何限  
 都在參苓藥籠中無貴賤有窮通活人心事契蒼穹  
 吾家昆弟能無恙須藉全生一七功

喜春來

泰定三年丙寅歲除夜玉山舟中賦



江梅的的依茅舍石瀨濺濺依一作漱玉沙瓦甌篷底送  
年華問暮鴉何處阿戎家

外史詞翰高絕即作樂章氣韻亦自不凡子愛書之  
不計字畫之工拙也

乾隆丁巳醉司命之夕入春八日風雨蕭然錄畢記  
此樊榭生厲鶚

貞居詞



